

RADIO SCIENCE SERIAL
SUSTAINABLE DEVELOPMENT
'LIFE MUST GO ON'-LIFE JAI THAKI BOLE LAGE
HOW MUCH DO WE NEED-AMAR KHAN KIMAN LAGE
EPISODE - 04

Etu episode te, S & T Development, manuhar khan bishi - bishi hoi joa aro, prakiti te pa khan cholai dea pattern- kinika ase, etu khan huni pabo. Yate, town nishina khan ke choa, town aro bosti te khabole, nahoi le ba kisim - kisim para dhukea te thakea khan laga duk, kiman tak te choi di ase, etu bi huni bole pabo. Aro, huni pabo, prakiti te pa khan cholai dea upor te, global eki nahoa etu bi huni pabo. Kuri bole parea family, ghor manu ba desh khan para sustainable niium bhal para na chola nimite bi, amar khan, etea koi dea khan ke, kotha- kotha te lobole pare. Bhal aro thik para, amar khan buji pabo nimite, ahi bi, hunea suru kuri bo, aji laga noutun episode 04 'Amar khan kiman lage' topic dramatize te.

EARTH- Hello sop manu! ami Mother Earth ase. Gham para planet number tinta. Paani te bichea. Hawa logot blessed. Paata rang kapra te bon kurea. Minerals te dhun. Ami ekela planet ase, jun he jinda thaki bole dea.... kaun nu planet bi, etea tak, life thaka dikhai dea nai. Ami tu, SPECIAL- alak ase. Jinda thaka khan lagea ba chola te, sop dibo parea tu, ami he ase. Apunar saas lobole parea, hawa tu, ami di ase, apunar paani kha nahoi ba, kheti ke bicha bole paani tu ami di ase. Gao bhal thaki bo nimite, khabole bhal dea, ami ase. Apunar kapra pindi bole, gadgets aro su-na chandi khan dea tu, ami para pai ase. Jai ja saal khan te, ami, etu gifts - dea khan khechara nakuri kena, ene di thaki she. Kintu jai ja alop decades te, apunar khan mangea ba lagea u-thi, u-thi kena, etea tu, apunar khan kiman lagi ase, etu ami dibole naparea hoi ase. Ami laga sopse huru bachha, hoi! ami manuhar ke koi ase... jun he, ami ke duk te rakhea. Kintu etu jati tu, mokos bhal ase. Ami para, naparea hoi jai le, sop manu ke dikdar te thaki jabo koa janea khan upor te, planet tu tar khan upor te umeed kuri kena ase.

--Music --

Teacher- Achha! bachha khan, lamba chhuti suru nahoa a- got, ami apunar khan ke, assignment di bo. Apunar khan dui hapta chhuti bitor te, kiman phelai ase, likhi kena thaki bi.

Imli- Teacher, phelai dea mane? Kinika khan ke koi ase?

Teacher- Ummm.....apunar khan ki hoilebi, phelai dea, kotha- kotha, cholai di kena phela bole thaka pen, dhali khan, chamus, noutun smart phone gift te pai kena, apunar purana mobile phone, enika khan. Ami ki koi ase, buji pai she nah?

Imli- Hoi buji pai she, hoilebi kile ami khan ke etu kuri bole koi ase? Teacher ?.....

Teacher- Experiment ase dae! Ami a- lop din a- gote, WWF International laga Director General, Jim Leape para koa, puri she.

Imli- Tar ki koi she?

Teacher- ' Amar khan logot extra planet thakea nishina amar khan chuli ase koi she. Earth para dibole parea 50% upor amar khan cholai ase, aro amar khan etu botli nakuri le, 2030 pungchi kena, duita planets thaki le bi napung chibo' koi she dae.

Imli- Oh! etu tu bhal nahoi dae! bishi beya ase. Madam, ami khan ki cholai ase, aro phelai di she likhi kena thaki bo.

SFX: Bell, desk banging, kids bidding goodbye etc.

--Music--

Place: Imli's Home.

Dad- Toh..... Imli, vacation suru nah?

SFX: Bag zipper opens, gum packet opens, chews & says...

teacher para homework kisoman di she hola? nahoi le tu, ami khan ke, dikdar di thaki bole ase.

Imli- Aya, baba! ek din te, mouth freshner kiman khai thake! Sabi, dustbin te, kiman jama hoi ase, khali packet phelai dea khan.

Mom- Etu chari bi nah! ami laga bag zip tu sabi! bhangi she. Ami laga ancestral jaga te, na ja a- got noutun lobe lagi ase. Imli.....(**sharp tone**) Imli! dustbin te ki kuri ase!?

Imli- Amar khan kiman phelai ase, etu ami jani kena thaki bole lagi ase dae Amma! Sabi toh! mouth freshners chamara sola, ja kali online te saman pungchea cardboard cartons tinta, bubble gum chamara dagor- dagor, glass box duita aro, tinta ball pen.

Dad- Etu khan logot na khili kena phelai di bi Imli. Ahi bi mall te jabo. Huru gari he loi jabo. City traffic te chola bole asani ase.

Mom- Imli, AC bon nakuri bi dae! Enika hoi le he room khan thanda he thaki bo.

3

Imli- (Grumbles) Amar khan laga teacher para tu, na cholai koile, light saman sop bon rakhi bi koishe aro.

Mom- Bishi kotha nakoi kena joldi ahi bi.

SFX: Door opening/closing, car door opens & shuts, starts & drives off.

Car AC on kuri bi, bishi gorom ase. Bhal music ekta bacha bi.

-Music-
SFX: Traffic

Dad- Choh! pungchi she dae! Theng para paas minute te pungchi bole laga, amar khan tris minute loi she. Kiman bi traffic. Ja dus saal te, eman gari bi thakea nai. Manu khan cities te, kile enika dagor- dagor gari cholai, ami nabuje. Ami khan ke loi sabi, highway te jabole ase koile, SUV cholai.... kintu, etea tu, amar khan chhoto car cholai ase.

Imli- Amar khan laga teacher para koa tu hoile, car dagor khan tel khai she koishe. Aro etu gari khan ke thik- thak rakhi bole sosta nahoi daam ase. Parts- saman khan bi ako bana bole napare, noutun lobole koishe. Toh.... etu saman khan tu, bishi- bishi bana bole lage aro loha bishi lage. Plastic bi bishi lage. Teacher para aro koishe, etu he amar khan laga natural resources- prakiti te pa saman khan ke komti hobole di ase koishe.

Mom- (Sarcastic tone) Aro dusra ki- ki koishe?!

Imli- Tar koishe, saman khan joldi- joldi beya hoi kena botli kuri bole policy ase koi she. Aro, bana manu khan bi, design khan bi botli kuri thake, spare parts khan bi nabana hoi jai aro, saman khan joldi beya hobole karone, deri naho bole saman khan cholai koi she. Tar koa tu hoile, etu ke, joldi na chuli bole bhabana ase koishe. Enika hoi kena manu khan, saman khan kini thaki bole ulai dea koi she dae.

Dad- Imli chup thaki bi toh! ami kini bole pari bo.(clears throat) Amar khan yate ahea homoi tem ami jacket logot mil bole wallet bhal ekta kini bo. Ami watch-guri jama kurea khan rakhi bole, leather organizer bi kini bo naki....,

SFX: Mall noise & background music

Mom- Ayah sabi toh! kiman manu bi ase. Sop jaga te manu- manu!

Imli- (In a small voice) India te, 2011 saal te, mota 623 million aro maiki 586 million ase koa puri she.....Etea tu, 2017, toh... number tu u- thi she.

Mom- (Irritated) Toh! apunar koa tu hoile, u-tu mota- maiki khan sop, aji mall te ahi she koa ase? Ahi bi! etu counter te....(**sees a known face**) Oh hello Anu! (R) apunar

swali khan logot yate dikhea tu kiman bi bhal. Purse tinta kinea tu dikhi ase. Imli! (R) jai kena aji logot kotha kuri bi. Amar khan kam khotom hoile, ahi bo. Jai kena kiba khai thaki bi.

Imli- Achha thik ase.

SFX: Footsteps

Azi, apunar ki khabole mon ase?

Azi- Ami eman bhuk nai, hoile bi, kiba ekta tu mangi bole lage. Cold drinks logot kiba ekta khabo dae!

Imli- Achha thik ase. Duijon ke, cold drinks duita aro.....ummm.....chips dibi.

SFX: Cash register drawer, microwave heating, plates on table.

Phelai dea saman upor te, apunar bi likhea suru kuri she na nai? Ami tu, lamba list banai loi she. Ami khan, hodai din kiman bi phelai, etu najani kena thaki she.

Azi - Hosa ase. Ami tu, ghor pungchea pichot, aji didi aro amma para kinea khan khuli dea pichot, akobi likhi bole bishi thaki bo. Gari boot bi bhorta nishina hoi ase. U - thuni, amma para, saman ekta kini kena, cardboard box, counter te he phelai di she. Kiman bi noksan. Kagoz bana bole, kiman gaas kati dea, ami khan.

Imli - Sabi nah! thermacol cups aro plates, paper napkins aro plastic para bana chamus, chaku khan. Etu khan sop cholai kena, phela bole ase. Aro, nami bole nahoi. Apunar jane! ami ja moina te, Kolkata jai sele, aro, airport para Salt Lake jai she, toh... ja somoi te, pahari nishina dikhi she.

Azi - (**Surprised**) Pahari?... Kolkata te?

Imli - Thaki bi nah! ki pahari ase, ami koi dibo. Toh... ami driver ke hudi she. Tar koi she, moila phela jaga ase koi she aro 1980's para thaki ase koi she. City te kiman moila ase, tate phelai, aro mati khundi kena, mati niche rakhi bole bi jaga nai Toh! pahari nishina hoi she.

Azi - Oh! (laughs) etu tu, Delhi te, Ghazipur, nishina hoi she, Metro cities sop tu , enika he ase hola! nahoile kinika sop letra ke phela bole paribo, manu eman bishi. Letra - moila ke zero te ani bole napari bo hola! nah pari bo?

Imli - Parea desh khan, cholai loi kena phelai dea, enika ke chola bole kotha ulai she koi ase, toh, bishi saman khan phelai ase. Phelai dea tu bishi - bishi hoi ase.

Azi - Etu nium thaka desh sop para chola tu nahoi hola. Tar khan bi toh, pu - ra - likha manu he hobo aro jani thaki bo. Thaka, dhuni desh bishi bhak, Europe nishina, tar khan tu, eco - friendly ase. Amar khan Indian Traditional nium nishina.

Imli - Etu bi ase. Hoi! Ami ekta te puri kena dikhea tu hoile, Sweden bi zero waste ase koi she. Hoilebi, judi ami khan, Zero waste napare koile, letra - moila phela ke komti, aro kinika kuri le bhal sabole paribo, etu tu kuri bo pari bo. Kile! amar khan, thermocol dhali aro plastic chamus aro ki ki khan cholai thaki bo? Saal paata dhali aro bowls khan chola bole napari bo? Phelai le bi, Mother Earth ke beya na kuri kena, mati te he mihin hoi jabo nahoi?

Earth: Apunar aro ami para, Imli aro Azi ghor manu laga nium buji bole, deri tak lukai kena huni she. Etu tu, bhoi hobole nium ase. Ami etu ke mon bitor te, kha aro chola laga nium ase bele mate. Enika bhabana thaka manu khan tu sop upor te kini kena khai thaki bole mon he thake. Amar para, ki ki pa than tu, sop saman, gadgets aro machine khan bana te cholai koa tu, tar khan najane. Ami laga resources khan bishi ase, kintu, pai thaki bole laga nahoi. Amar para pa kisoman tu, phot phot ako bana na u - la bo, ekbar cholai dea khotom hoishe koile, khotom he hoi she. Kotha - kotha, Oil reserves - bachai kena rakhea tel jaga khan tu, non - renewable ase. Kaala pather crude oil aro, Prakiti te pa gas khan sop tu, fossil fuels ase. Kile mane, jai ja millions saal te gaas aro jaanwar khan mori kena mati niche te thaka para bana hoi. Etu janea sop ekbar para khotom kuri di she koile, akobi noutun banai kena supply khan pabo bhabi ase?

Jai ja century tak te tu, manuhar khan, saman ekta bhangi le, repair kuri loi, nahoi le ba, dikdari ase koi kena ene rakhi dea. Etu pichot,... dhuni desh khan, eku bhabana aro nathaki kena, enika saman khan phelai di kena, noutun ani loi. Etu he, saman khan akobi bishi bishi lagea ani di she. Toh... Saman bishi bishi bana bole hoi jai she. Amar laga resources khan bishi lobole lagi jai she.

India koi kena jaga ekta ase. Ekta homoi thaki she, tar khan para, amar laga resources khan bhal para sai di thaki she. Kabariwalas koi kena manu kaun nuba, purana aro bhangea saman khan kini kena, recycle - noutun jinis banai thaki she. Tar khan tu, amar laga Green Ambassadors thaki she, kile mane tar khan para, ami logot ki u - thai kena cholai she, etu ke, ako bi banai dea phele modot kuri she. Local dukander khan, purana notebook para chhoto kagoz jhula banai kena, tar khan saman bikiri kuri thaki she. Plastic chola nai. Khali daba khan tu, dusra saman khan rakhi bole cholai. Purana saris khan ke norom blankets aro bachha khan nimite, napkin te cholai thaki she.

Traditionally para koile, India te, ki saman hoile bi, ene phela thaka nai aro mati bhorta moila phelai dea thaka nai. Imli aro Azi laga maa - baba khan bi India te ase, kintu, tar khan, dhuni desh khan nishina thaki jai she. Hoilebi, sop umeed hara nai. Ami laga duk khan, lora - swali khan buji pai she. Ami dusra Indian jaga te ki hoi ase, sai sabo.

--Music--

SFX: Birds, cow mooing, cycle bell etc.

Eli - Bobby polai kena, zip repair manu ke rukha bi toh. Apunar laga pant te noutun zip dhali bole lage. Banai loi she koile, noutun nishina hoi jabo.

Bobby - Ami uncle Ato laga dukaan te bhal jean dikhi she, u - tu kini di le bi bhal!

Eli - Ami kini di bole pare, hoile bi na kini bo. Apunar pant tu noutun nishina he ase, aro bishi bar laga bole pari bo. Choh! polai kena rukha bi. Ami laga chata tu bi ami ke di dibi, kheti te, apunar baba ke bhaat jai kena pungcha bole lage.

Bobby - Chata bi noutun loi lobi, taar bahar te u - lai jai she.

Eli - Chata ke chari bi! joldi jabi, nahoile zip bana manu jai jabo dae.

(SFX: Running steps)

Bobby - Kokai, kokai, ekbar thaki bi (panting) ami laga ghor te ekbar ahi bi, zip bana bole ase.

Man - Etu pant tu bhal ase dae! zip botli kuri di she koile, 1st class hoi jabo. Aro ami chata khan bi banai dae.

Bobby - Amma, huni she?

Eli - Hoi, hah! taar bhangi she. Banai di bi.

Give SFX:

Man - Choh! sop hoi she dae! zip te paas taka, chata te dus taka.

Eli - Thik ase. Hah! apunar laga pondro taka. Khushi pai she dae! Bob! ami kheti jai ase dae! bhoini ke bhal para sabi. Nappies botli kuri bole lagi ase koile, ja kali ami norom kapra sari para banai dea khan tu, chola bi. Tar u - sor te he bohi kena, apunar homework khan kuri bi. Ami wapas ahea pichot ami sa bo.

Bobby - Thik ase amma.

Place : Field : SFX : cow mooing, motorcycle, water being pumped in the field. Bobby's father talking to Block development officer.

Father - Mr. Theja ja kali, Panchayat Pradhan para, Resource depletion upor te kotha koi thaki sele. Ami bujea nai. Ami laga well te paani nami ja, mon duk nimate, ami bhal para huni bole paree nai.

BDO - Asol tu, tar etu kotha he koi ase. Apunar dikhi ase hola, apunar u - sor khan, bishi jon, pump cholai kena, lamba konta tak paani taanea tu. Kheti te paani dea laga naam te, tar khan paani bishi cholai ase. Enika hoi le, phot khotom hoi jabo.

Father - Etu karone he, hobo dae! paani level namea tu. Borkhon paani purea somoi te jama hoi thaka para bi bishi u - thai loi ase. Mati niche te paani jama khotom nahoa tak, enika cholai le kut hobo. Amar khan kiman deri enika thaki bo?

BDO - Mani bole sawal koi she. Prithibi te, mati niche laga paani chola, sorse bishi tu, India ase koa, apunar bi jani thaki bo. Kheti karone, amar khan 90% mati paani cholai.

Father - Hoi, ami dikhi ase, hodai saal well paani namea dikhi pai ase. u - sor nodi bi sukhi jai ase. Nodi kinar khan te pather khan rakhea tu rakhi ase, kintu , eman jon manu ke kha - loa dibole u - lai, amar khan paani bi bishi lage, mati bi bishi lage, toh... paani, mati bishi cholai lobole lagi jai.

BDO - Hoi, manu bishi bishi hoi ja tu, dikdari ani di ase. Hisap kurea te, Earth te, manu bohea tu, 7 billion upor ase. Jai ja 200 saal a - gote, 1 billion niche he thaki she. 2045 pungchi kena tu, Global population 9 billion pungchi bole koi ase. Kha bole manu bishi bishi hoi ase.

Father - Etu he koi ase. Ghor manu - family u - thi bo, manu bi bishi hobo. Amar khan , kheti te akobi bishi bishi laga bole lage.

BDO - (**laughs**) Asani aro, bhal para , kobole pari le bhal hobole ase le... Manu bishi bishi hoi ja ke purikha kuri bole science a lop thake dae. Population theory thik se, jani bole koa tu, economist Thomas Robert Malthus thaki she.

Father - Tar ki koi sele.

BDO - Tar koa tu hoile, kha - loa supply lagea khan para bi, population he ekdom joldi bishi bishi hoi ase koi she. Enika jai thaki le, ses phele, kha bole napai kena, bukha, bimar aro war lok pabo. Etu ke Malthusian Crisis bele koi.

Father - Oh! toh manu mori bo, aro balance - eki te ahi jabo nah?

BDO - Khali etu ekela nahoi. Dusra bi bishi ase. kotha -kotha, 1970s aro 1980s te, manu millions bhuka para mori bo koi kena, learned khan ahi bole tu dikhi pai kena thaki she.

Father - (**cutting in BDO's talk**) Enika eku hoa nai,....

BDO - Tar khan, technology aro kheti bari phele thik somoi te bhal para kam ja dikhe nai.

Father - (Happily) hoi, hoi, ami khan bhal bhal bijon ase. Mati bhal hobole dawai aro puka mora bole dawai chola ne bi, anach bhal hobo di kena bishi kati bole pai. Loi ja aha karone, transport aro food processing nimite ki ki thaka bi, amar khan ke, hisap ekta te resources khan pabole laga para bi bishi te modot di kena , amar khan kheti para bishi loi ani bole pari ase.

BDO - Etu ekela nahoi kena medical a - ge ja nimite bi, morea rate bi nami she. Bimar ekta para mori bole thaka bi, etea tu, jinda hobole pari ase. Manu khan, a - lop din, saal thaki bole pari ase. Technology tu ahea tu ahi she. Kintu , amar khan , kha - loa arobi bishi lage, kapra bi bishi lage. Sop manu nimite, bohi bole ghor bi lage. Population phuti jai ase.

Father - Uh! sabi! amar maiki Eli ahi she. Ja moina, duijon city te jai sele. Highway baya - daya phele bi, eku gaas bi nai, ekdom suka dikhi kena, duijon bi, bishi mon duk pai she. City u - sor hoi kena tu, moila jama eman u - cha aro eman bishi dikhi she. Mon bi bikhai. Mati ke enika kuri di le, amar khan kinika sop manu karone, muk pali bole pari bo?

BDO - Hawa - paani namea upor te, saal 1962 te, kitap ekta publish kuri dea pichote bi, amar khan, eku mon te bi hisap nakuri kena thaki ase.

Father - (Suprised) 1962 teh? Century jai jai she? kaun likhi she?

BDO - American marine biologist aro conservationist, Rachel Carson ase. Tar karone, poihila kitap hoi. Kitap naam tu ase, Silent Spring. Science kitap greatest pachis (25) list te, tar laga etu kitap bi ekta thaki she. Kintu, tar laga message para amar khan, suku khuli she, kobole pari bo?

SFX: Footsteps.

Eli - (Breaths heavy) Ahi she nah Sir! ki hoi she, mon duk nishina dikhi ase.

BDO - Hoi ahi she. Amar duijon, mati beya hoi ja upor te kotha kuri thaki she.

Eli - Kut khali mati hobo Sir. Gaas khan bi kati di she. Der nahoi kena, jungle he nathaka hoi jabo. Aro, borkhon paani para, mati upor bhal khan sop loi jabo. Amar chokora para, hodai saal, 18 million acres, jungle ke beya kuri dea aro duniya te forest thaka jaga aadha tu kati dea koi she.

BDO - (Sadly) hoi, etu khan sop development koi.

Eli - Ami Eg: ekta kobo dae! **(R)** ami jonom hoa bosti u - sor, te , mine minerals kam chuli thaki she. Development nimite, minerals cholai. Etea tu, khundea kam nakurea hoishe, jaga ke bishi beya kuri di she. Mati ke kinika kuri le, ako bhal hobo, etu bi sai dea nai.

Father - Environmental ke enika beya kuri dishe, toh... u - sor kheti ke choi di she. Gaas khan bi mori jai she. Kheti te khabole lagai dea khan te bi chemicals ekdom u - cha level te thaki ase, manu khabole fit nahoi. Etea tar khan , park banai bo koi ase aro kheti mati khan khudea suru kuri ase.

BDO - **(sighs)** Ki kobo , town nium he, hodai saal ekdom bhal kheti mati hectares millions khan ke khotom kuri di ase. Mati khan pai thaki bole laga nahoi, aro lagea , kha - loa production aro India te , kheti kuri bole parea mati bhal khan komti hoi ja ase, etu he kheti te pabole ke, komti ba choi di ase. Etu tu, sustainable - pai thaki bole, laga nium nahoi. Etu upor te, cities khan te, population - manu bishi hoa ke sai dibole lagi ase. 2050 saal pungchi kena tu, tin jon manu bitor te duijon manu, city te thaki bo, etu hisap - estimate kuri kena ase.

Father - Hoi, cities laga nium khan, bosti khan te pungchi ase. Etea bi sabi nah, amar bachha khan, bosti nium alchi lagi jai ase. Tar khan T.V te ki dikhi bo, lobole mon jai. Dagor packet kini bole napare, toh... shampoo nishina, potato chips, namkeen koa khan chhoto packet te loi. Packet khan sabole bhal! kintu , bitor te **(laughs)** eman na thake. Bitor te khabole jinis para bi. Packet he bishi nishina ase. Packet tu, phelai kena mati te mihin hobo le laga bi nahoi, julai dile akobi beya. Hawa marea bitor te, bosti ke moila kuri dea.

Eli - Amar chokora , ja kali, kile amar bhoini nimite, diapers na kini dea koi she. **(laughs)** ki kobo, bachha khan, tar khan ki dikhi bo aro hunibo, etu khan chola bole mon jai. pichete beya ekta u - la bo, etu tar khan najane. Tar para, duijon ke, cycle na hoi kena, bike he kinibi koi ase. Tar laga sapanu tu hoile, car ekta thaki bole tu ase. **(laughs)**

BDO - **(laughs & says)** Bishi manu car lobole mon ase, apunar chokora bi, ek din ji hoilebi lobole pari bo. 2030 pungchi kena tu, prithibi te, gari khan double hoi jabo. Etea bi, amar khan cities khan te, ghor manu khan, ekta para bi upor rakhi jai ase. Toh, amar khan, raasta bi dagor bana bole lage aro, tel bi bishi chola bole u - lai .

Eli - Dikdar tu etu he ase. Amar khan, kut para, baki (extra)petroleum pabo? kerosene tak bi, eman daam hoi ase. Bikiri kurea jaga te lamba line te khara kuri thake. Sop manu napai. Komti - komti he hoi jai. Amar sis-in-law para, LPG cylinder bi daam u-thi she koi she. Sop saman daam khan u - thi ase. Ami amma tu, enika duk eman lok

kurea nai. Ami tu, husair nakuri le, amar bachha khan , eku bi napa hoi jabo. Sop jinis komti - napa he lok kuri bole ase.

BDO - Hosa koi she, ahi bole 25 years pachis saal te, prithibi te, energy karone, tel he ekdom chola bole ase. Supply komti logote, global market te, crude oil daam khan u - thi thaki bole ase aro, desh India nishina te, energy lagea joldi joldi para u - thi bole ase. Khotom hoi jai she koile... **(fades out)**

Father - Petroleum ke charibi nah! paani upor te kotha kuri bo . amar didi city u - sor , town huru ekta te thake, tar para koa tu hoile, pipe te paani ahea kom pa karone, akobi kini thake koi she. ami tar ke, pipe bhanga enika thaki le bon kuri bole koi she, aro, paani girea somoi te, paani jama , chawl aro sobji dhulai dea paani ke bi saat - sobji bagan te phela bole koi dishe.

Eli - Tar para aro koishe, tap te dikshi khan aro daat brush kurea homoi te bi,kaun nu ba manu khan, paani ene jabole di thake koi she. Dhuni manu khan, paani khushi-khushi para chola dikhile, suku bi jule aro khong bi lage koi she.

BDO - Ami buji pai di ase. Etu tu khali manu te nahoi kena, global scale, u - thi kina he thaka aro uthea desh majot te bi ase. Etea, amar khan thakea hisap ke saile, earth te prakiti pa deya khan ke, deri tak pabole ke, 2-3 times - dui - tin bar deya upor cholai di ase. Ki estimate kuri kena ase koile, income u - cha desh khan average paas bar te ecological footprint, komti income desh para bi ase koishe.

Father - Prakiti para deya saman khan, komti komti hoi jai le, bishi bishi daam hoi jabo . yate , ekdom beya para economic a - lak a - lak hoi ja thaki jabo. Thakea - dhuni manu khan, daam u-thi le bi loi thaki bo. Kini bole naparea manu khan , lagi le bi, lobele napari bo.

BDO - Hoi le bi, resources khan lagea logot, dhuni population he ek din raasta bon kuri dibo, etu kaun bi nabhabe. Supply noutun lobo koile bi. natha ka din ahi bo. khabole nai koile, kinika kati bo?

Father - Etu he toh!

BDO - Asol kotha tu, chola ba kha ekela nahoi , tar patterns aro, ki beya ani dibo, etu ase. Chola te eki nahoa bi dhamali kotha nahoi. Jai ja decade nishina te he 76.6% total private consumption te , duniya te ekdom dhun khan thaki she. Sopse dhun te thaka fifth , 1.5 % thaki she. Toh bhabi sabi. Etea tu, duk - nathaka desh khan, thaka desh khan laga life style nium khan phela tu phelai di ase.

Eli - Hoi, enika kuri bole lage. Amar khan bhal saman, jinis khan upor te suku nadi bo lage. Jai ja saal khan ako wapas sai kena , purana nium te jabo lage.

Father - Hoi etu tu ase. Kintu Eli enika phele para sai sabi, ami khan, bosti te thaka manu khan cities khan laga nium te thaki bole mon ase, aro cities te thaka khan, u-thi ja foreign desh khan nishina thaki bole mon. Apunar bi , bosti te electricity pungchea khushi pa nahoi?

Eli - Hoi, khushi pai she. Aro ami Bobby kebi, room te nathaki le, fan - pangkha aro light khan bon kuri bole bi hikai she. Etu nimite, ami koi ase nah, waste nakuri bo! Science he amar khan ke technology di ase. Mother earth para amar khan ke deya upor te. Amar khan kotha mani kena , ene ene na cholai le bhal ase.

BDO - Apunar hosa koi she. India economic growth dakat hobo nimite, ki ki pa khan lage. Etu khan tu ghor para, ba bahar para bi hobo pare.

Earth - Mon te rakhi bi, sustainability tu, khali kotha he nahoi, jinda thaki bole aro ahi bole saal khan te harai ja majot, a - lak a -alak hoa koi dea bi ase. Aro, judi apunar jinda thaki le bi, resources khan komti hoi le, apunar life tu, bishi duk hobole ase. Toh... etea apunar chuni bi.

--END--